



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expositio Cavsarvm Quibus S. R. M. Sveciae bellum à
Rege Regnoque Daniae sibi illatum, etiam post Pacem
Roschildiae initam, continuare coacta fuit**

Coyet, Peter Julius

[S.l.], 1658

Lit. H. Sacrae Regiae Majestatis Sveciae responsio ad literas Ablegati
Anglici Medovii.

urn:nbn:de:hbz:466:1-10534

Aula vestra Regia, cujus ministerio in hoc negotio versus Majestatem Vestram uter, fretus Clementia Vestra Regia, proque mediatorio, quod inter hæc duo Regna Septentrionalia sustineo munere, præsentium latorem unum è domesticis meis, cum his literis immediate ad Serenissimam Vestram Majestatem amandavi.

Serenissimus rex Daniæ, ad prævertendam ulteriorem Christiani sanguinis effusionem, bellumq; hoc funestissimum sub justis sinceræ pacis conditionibus amicaliter quamprimum finiendum, nominavit & constituit Commissarios suos & Plenipotentiarios Joachimum de Gersdorp Dn. de Tundbyholm, Equitem Auratum Magnum Aula Magistram, & Christianum Scheel Dn. Hæreditarium in Waløe, utrosque Senatores Regni Daniæ, qui cum Commissariis Majestatis Vestræ pari Auctoritate munitis, loco & tempore à Majestate Vestra nominandis, congregiantur, ad pacem inter hæc duo Regna stabiliendam.

Placeat igitur Sereniff: Vest: Majest: ad instantiam atque interventum Sereniff: Sux Celsitudinis Dn. mei Clementissimi Commissarios suos pariter deputare, locumque & tempus præfigere, nec non salvos conductus debita forma pro meipso & præfatis Dn. Commissariis Danicis extradi jubere, quibus acceptis, loco & tempore ita præfixis, mox affuturi sumus. Nec dubium est quin benedicente Deo, Majestas Vestra honestissimam pacem intra paucissimos dies referat. Interea temporis si Serenissima Sua Majestas arma sua ulterius inferri prohibeat, cum justorum armorum finem, nempe justam & honestam pacem jam acquisiverit, adeoque successu & felicitate sua clementer & moderate utatur, rem procul dubio Deo acceptam, Christiani orbis Principibus gratam, atque immortalis nominis sui gloria dignam faciet. Quod ut benigniter velit Majestas Vestra clementissimi Domini mei verbis & nomine insto & rogo. Quem singulari hac gratia suoque rogatui indulto beneficio sibi æternum Majestas Vestra demerebitur. Deus Opt: Max: Majestatem Vestram incolumem diu & florentem fervet, ita animitus vovet.

Serenissimæ Sux Celsitudinis.

Reip: Angl: Scot: & Hybern: Protectoris Ablegatus
Extraordinarius.

Hafniæ 3. Febr. Anno 1658.

Ph: Meadove.

Lit. H.

Sacræ Regiæ Majestatis Sveciæ responsio ad literas Ablegati Anglici Medovii.

Carolus Gustavus Dei Gratia Svecorum, Gothorum, Vandalorumque Rex, Magnus Princeps Finlandiæ, Dux Esthoniæ, Careliæ, Bremæ, Verdæ, Stetini, Pomeraniæ, Cassubiæ, Wandaliæq; Princeps Rugiæ, Dominus Ingridiæ ac Wisnariæ; nec non Comes Palatinus Rheni, Baviariæ, Juliaci, Cliviæ ac Montium Dux &c.

Gratiam & favorem, Illustris, Nobis sincere dilecte: Literas tuas Hafniæ ad Nos pridie harum datas recte accepimus, ex iisque didicimus, cum singularem tuam in

B 2

recon-

reconciliandis animis curam, tum etiam novum *Daniae* in pace, quantum apparet, serio recuperanda studium; Quorum altero quia, pro mediatorio quo defungeris munere, Nobis dexteritatem tuam ac fidem comprobas, gratias tibi agimus, ac merita tua condigno modo compensanda censebimus; alterum tanto Nobis est acceptius, quanto jam diu actiones Nostras eo dirigimus, ut, quod nunc à *Dania* conceditur, compotes fieri possimus. Optassemusque, ut aut nunquam ad hoc incendium perventum fuisset, aut erumpenti flammæ matura extinguendi media comparuissent, ac nostris pacificis oblatis nonnihil datum fuisset. Factum autem est, nescimus qua sive præmatura implacabilis vindictæ pertinacia, sive animi temeritate, ut inclinationi & propensione Nostræ in opus omnium humanissimum, nullis relinqueretur locus; quin anceps belli alea, apud *Danos* cæteris omnibus remediis antehabita, pacis consilia studiaque ita corrumpit, ut quamvis nisi tuo compositionis spes non exigua Nobis subjiceretur, res tamen ipsa nunc in electione & multiplicatione Mediatorum, nunc in adcrustandis aliarum gentium negotiis, quibus cum Septentrionalium regnorum controversiis nulla est communio, hæreret, nunc discessu ab antiquo more locoque, post *Stetinensia* pacta semper usitato supplantaretur, adeo ut quæ sitis injectis que undique impedimentis quibusvis palam constaret, *Daniam* pacis reducendæ gloriam præ dubio Martis conflictu vilem habuisse. Cum autem divinâ jam ope eo res deducta sit, ut cum sanioribus consiliis in gratiam reverti videatur, Nos quoque propositis Nostris pristinis insistentes, constans nostrum tranquillitatis studium sanguinis Christiani effusioni libenter præferimus. Atque ut hoc Serenissimus ac Celsissimus Dominus Protector, cujus operam in hoc negotio permagni facimus, alique Principes Christiani manifeste perspiciant, atque in sumultu temporis aliæque ex diuturniori bello subnascentes jacturæ redimantur, consentire mox decrevimus, ut mediantibus respectu Gallæ & Angliæ Ministris, salutare pacis opus peragatur. Et quia res ipsa postulat festinationem, Nobisque restitutum sit, locum statuere, commodissimum arbitramur, ut intra octiduum, ab hoc dato, in *Insulis* sive *Sproo*, sive *Langelandensi* urbe *Rudcopia*, prout ex his alterutrum locum Regi *Daniæ* eligere visum fuerit, utriusque partis Commissarii sufficienti autoritate congregiantur, & pacem vigore omni restabilire conentur. Quo autem negotii successum nulla intercipiat mora, adjunctis hisce *Salvo-Conductu* & literis passus providere visum fuit, ut non tibi solum, sed etiam Regis *Daniæ* Commissariis plena tractandi potestate munitis, quam securissime tutissimeque, consueto morationum gentium stylo venire, in loco *Tractatus* commorari, & pro lubitu discedere liceat. Atque ut nulla partes occupet cunctatio, à te clementer requirimus, quo postarum sive tabellionum cursui sic prospiciatur, tam nostrorum in *Sveciam* usque ad *Eholmum*, quam *Danicorum* in *Germaniam*, quo literæ hinc inde mitti recipique possint, prout hoc in superiori inter hæc duo regna Septentrionalia bello receptum fuit. Multum vero interest, ut matura anticipatione res sanetur, quandoquidem in suspensione armorum nullam Nobis

pro-

promittimus securitatem, atque officiis procurandæ pacis tanto laborandum est utrinque impensius, quanto Christiano orbi necessum est ut declaretur, posse hæc-
ce Septentrionalia regna post conflatum bellum absque ambagibus non necessariis, ad justam sinceramque redire reconciliationem. Quibus benevoli responsi loco redditis Deo te commendamus. Dedimus Neoburgi Fionix, die 5. Febr.
Anno 1658.

Carolus Gustavus.

Illustri Nobis sincere dilecto Philippo de Meadove, Serenissimi ac Celsissimi
Domini Protectoris Angliæ, Scotiæ & Hybernix &c. ad Regem Daniæ
Ablegato Extraordinario.

Lit. I.

**Pacta Tostropii, à Septentrionalium
horum Regnorum Commissariis Plenipotentariis ini-
ta, quorum vigore hostilitates & dissensiones utrinque ali-
quam diu exercitæ, abolendæ & amicabiliter
componendæ sunt.**

1.

It & maneat in posterum inter Regem & Regnum utrumque, nec non eorum
subditos & incolas invicem, Pax sincera & perpetua, & ita quidem, ut posthac
omnes utrinque cessent dissensiones & discordiæ, contra vero ab utraque parte re-
ducatur amicitia firma & secunda, beneficioque Generalis Amnestiæ penitus obli-
vione sepefiatur, quicquid vel ante bellum, vel ipso flagrante, mali sive damni invi-
cem inflictum fuit.

2.

Utraque Pars omnibus fœderibus, in præjudicium ac detrimentum alterutrius
initis renunciet.

3.

Nec una pars contra alteram fœdera icat, aut alterius hostibus opem ferat &
succurrat, quibuscunque demum id modis fiat.

4.

Utraque pars, quantum fieri potest, impediatur, ne hostilis aliqua classis belli-
ca per fretum Oresundicum aut Balthicum in ipsum mare Balthicum penetret &
irrumpat.

5.

Maneat itidem Pactis Bromsebröensibus pristinus suus vigor, in quantum
per præsentis Tractatus non immutantur.

B 3

6. Qui.